

FICHA TÉCNICA

DENOMINACIÓN DE ORIXE RÍAS BAIXAS

Creación: A denominación de orixe Rías Baixas foi recoñecida por Orde do 17 de marzo de 1988, da consellería de Agricultura (DOG 15.04.1988).

Regulamentación: Regulamento aprobado por Orde do 21 de xullo do 2009, da Consellería do Medio Rural (DOG nº 147, do 29.07.2009. Corrección de erros DOG nº 166, do 25.08.2009). Publicado no BOE nº 259, do 27 de outubro do 2009.. Modificado pola Orde do 1 de febreiro do 2012 (DOG nº 31 do 14 de febreiro do 2012).
Prego de condicións publicado no DOG nº 152 do 9 de agosto do 2012.

Enderezo: Pazo de Mugartegui
Praza da Pedreira, s/n
36002 Pontevedra
Tel.: 986 85 48 50 e 986 86 45 30
Fax: 986 86 45 46
Correo electrónico: consejo@doriasbaixas.com
Web: www.doriasbaixas.com

Presidente: Juan Gil de Araujo González de Careaga

Rexistros a 31 de decembro de 2013:

Superficie:	4.064 ha
Viticultores:	6.677
Industrias:	178


Volume de actividade no ano 2013:

Produción uva:	33.743.486 kg
Viño cualificado:	17.072.200 l
Valor económico estimado:	85.361.000 €

Zona amparada pola DO Rías Baixas

A zona amparada para a produción de viño con denominación de orixe Rías Baixas localízase na provincia de Pontevedra e no sur da provincia da Coruña, organizándose en cinco subzonas:

- Val do Salnés
- Condado do Tea
- O Rosal
- Soutomaior
- Ribeira do Ulla



Características dos viños da DO Rías Baixas

Os viños monovarietais de albariño teñen unha cor amarelo-palla, brillante, con irisacións douradas e verdes. No nariz posúen recendos florais e froiteiros finos e distinguidos, que impresionan agradablemente, de intensidade media e duración medio-longa. Na boca son frescos e suaves, con suficiente corpo e grao alcohólico, acidez equilibrada, harmoniosos e con amplos matices. O seu retrogusto é pracenteiro, elegante e completo.

Os viños Rosal e Condado están personalizados por levar na súa composición as castes loureira e treixadura, respectivamente. Son viños de intensos arrecendos con lixeira acedume, e na boca, plenos, agradables e atractivos.

Variedades de uva e tipos de viño na DO Rías Baixas

Variedades:

- **Branca preferentes:** Albariño, Loureira branca ou Marqués, Treixadura e Caíño branco.
- **Branca autorizadas:** Torrontés e Godello
- **Tintas preferentes:** Caíño tinto, Espadeiro, Loureira tinta e Sousón
- **Tintas autorizadas:** Mencía, Brancellao, Pedral e Castañal.

Tipos de viños:

a) Viños brancos:

- **Rías Baixas albariño:** viño monovarietal elaborado co 100% de uvas da variedade albariño.
- **Rías Baixas Condado do Tea:** elaborado con uvas das variedades albariño e treixadura nun 70% como mínimo, sendo o resto das demais variedades empregadas, todas elas producidas na subzona do Condado do Tea.
- **Rías Baixas Rosal:** elaborado a partir de uvas das variedades albariño e loureira nun 70% como mínimo, sendo o resto das demais variedades empregadas, todas elas producidas na subzona do Rosal.
- **Rías Baixas Salnés:** elaborado a partir de uvas das variedades preferentes nun 70% como mínimo, sendo o resto das demais variedades empregadas, todas elas producidas na subzona Val do Salnés.

- **Rías Baixas Ribeira do Ulla:** elaborado a partir de uvas das variedades preferentes nun 70% como mínimo, sendo o resto das demais variedades empregadas, todas elas producidas na subzona Ribeira do Ulla.
- **Rías Baixas:** elaborado a partir das variedades brancas recoñecidas, producidas en calquera das subzonas pertencentes á DO, sendo cando menos un 70% das uvas de variedades preferentes.
- **Rías Baixas barrica:** procedente dos viños definidos anteriormente, que no seu proceso de elaboración permanecen en envases de madeira de carballo dun tamaño non superior a 600 litros. Na etiquetaxe indicárase o tempo que permaneceron na barrica.

b) Viños tintos:

- **Rías Baixas (tinto):** elaborado a partir das variedades tintas recoñecidas, producidas en calquera das subzonas pertencentes á DO e nas proporcións que se estime axeitadas.

c) Escumosos:

- **Rías Baixas Escumoso:** elaborado a partir das variedades recoñecidas, producidas en calquera das subzonas pertencentes á DO cumprindo os límites analíticos estipulados no regulamento e demais normativa aplicable.

Evolución da produción de viño amparado pola denominación de orixe protexida Rías Baixas

